

Gwnzbya Lajbya

山上山下

□ Vangz Civeij sij Veiz Munglingz hoiz

(ciep geiz gonq) De ngamq raemj ndaej dingz ndeu, Dingh Yenz couh dauqma lo. Dingh Yenz raen Vangz Gozbauj raemj go maklaeq bonjfaenh, doq bongh bae caeuq Vangz Gozbauj doxfwd. Caj Goengyangz ganj daengz seiz, Vangz Gozbauj deng duep dwk mbouj ndaej hwnq lo. Goengyangz huj dwk naj hoengz naj nding, fwnqz de saeuj dwk yinx haeuj Dingh Yenz bae, naeuz: “Gou yaek hawj mwngz bae naengh lauz!” De cigsoh bauqgingj, gaenlaeng caiq heuh ram Vangz Gozbauj bae yawj canghyw. Ngoenzde, Dingh Yenz couh deng gungh’ anh gaemh bae lo, doeklaeng ngaiz buenq naengh sam bi lauz.

Daj bande bae, Goengyangz ngoenz-ngoenz cungj naemj yienghlawz gajj gij ngaekngeu lai bi neix. Gyanghwnz vnz conj ninz caem lo, de fonj bae fonj dauq baenzlawz cungj ninz mbouj ndaek, angqnaengz hwnjdaeu cit ien. Seizde aen swiz daj gwnzcong doek roengz namh daeuj, Goengyangz gaeuzhwet gip swiz, raen miz mbaw doz ndeu youq baihnaj de. Mbaw doz neix dwg bi’ gvaq Goengyangz guh boudaibyauj bae ndaw-cunh haihoih, ndawcunh fat hawj, aeu ma le de couh itcig cuengq youq laj swiz. De sijsaeq yawj mbaw doz, dwg mbaw veh lwnh faplwd. Yawj sat le de doq bongx ndaek gagoek bonjfaenh, ngoenz daih-ngeih couh gipgip muengzmuengz bae swhfazsoj lo.

Luz Lungz dwg bous sojcangj swhfazsoj, de raix cenj caz ndat ndeu hawj Goengyangz gonq. Goengyangz couh dawz gij simsaeh lai bi neix naeuz hawj de nyi, muengh de ndaej bae Mbanj-yauhcingh son’ gyauq senhconz faplwd, gajj gij aen’ ienq caeuq ngaekngeu lai bi neix.

Luz sojcangj gietdingh youq aen singhgiz gaxlaeng bae Mbanjyauhcingh son’ gyauq senhconz faplwd. Swhfazsoj ndawcin sauhgonq ngamq daeuj daegmbauq lienhguh ndeu, heuhguh Suh Lieng, bous haukseng neix ngamq daj Gvangjsih Cwngfaz Yozyen bizyez. Luz

sojcangj dajsuenq hawj Suh Lieng gaen bae, hag engq lai doxgaiq.

Goengyangz da baez gyaep Suh Lieng, naeuz: “Gou yawj mwngz najsug, lumjnaeuz raen mwngz gvaq.”

Suh Lieng hannaueuz: “Gou dwg vnz Mbanjbingzmanz, gou roxnaj Goengyangz mwngz bw.”

“O, mwngz couhwdg daeglwg Suh Sanh ma? Cungj baenzlai hung la?”

“Dwg ha, dwg ha.” Suh Lieng han sohsangh.

Goengyangz rag aekbuh Luz sojcangj ok rogdou bae naeuz: “Luz sojcangj a, daegmbauq neix dwg vnz Mbanj-bingzmanz ne, de caemh bae, mbouj daiq hab ba? Raeuz baenzlawz yienghneix ien’ gya roen gaeb ne!”

Luz sojcangj riu dwk han: “Yienznaeuz de dwg vnz Mbanj-bingzmanz, hoeng de mbouj miz yawjmbieng ne, mbouj dwg bae senhconz faplwd ma, mwngz cuengqsim la!”

Dieg hwnjdangz couh nda youq ndawranz Goengyangz. Dahlgw Goengyangz heuhguh Yangz Fanz, de roxnaeuz ngoenzcog ndawcin daeuj hai dangzgoq senhconz faplwd, de dajseng cix sauq ranz baet daengq, bonjfaenh caemh dajcang dwk youh gyaep youh sau.

Suh Lieng hwnj dangzgoq senhconz faplwd sat haemh daihsam de, Yangz Fanz caegcaeg doiq de naeuz: “Gou soengq mwngz roengz bya bae.” Suh Lieng caemh haengj hawj Yangz fanz soengq de, songde bous byaij gonq bous byaij laeng, byaij baenz song aen lai cungdaeuz.

Couh yienghneix, Suh Lieng caeuq Yangz fanz doxgyaez lo, doeklaeng couh ciengzseiz ndaej yawjraen songde dox-caeuq youq.

Miz ngoenz ndeu, daxbaj caeuq daxsimj Suh Lieng dawz doxgaiq daeuj ranz Goengyangz camyah lo. Vnz ndawmbanj rox le, ngeixlwnh gig daih. Daegbied dwg daxmeh Yangz Fanz, dai cungj mbouj nyienh hawj songde baenz-gya, caenh Goengyangz naengh youq laj goreiz bakdou cit ien “doekboep

doekboep”, mbouj gangj saek coenz vah.

“Boh Dahfanz a! Mwngz hauhlawz gangj coenz vah ndeu ba, gij saeh neix, langh mwngz han hawj, vnzmbanj aiq ndaq dwk daemj ndok bae a!” Daxmeh Yangz Fanz ndaeng lumj maz nei.

Goengyangz ndekndak gyauejien, byaij haeuj ndawrug naeuz: “Songde baenzgya gou hawj lo, baezneix aeu guh dwk najrongh haq okbae.”

“Boh Dahfanz a! Mwngz mbouj ndaej yienghneix guh a!” Daxmeh Yangz Fanz gangj sat daejnga’ nga.

“Mwngz rox gijmaz? Ndawhoz gou cingcing cujcu.” Goengyangz sou le gij doxgaiq daxbaj Suh Lieng, nda daiz hainduj gwnhaeux.

Yaep ndeu sam bi couh gvaq lo, Dingh Yenz caemh ndaej cuengq ma ranz lo. Daj Dingh Yenz bae naenghlauz le, boh de Dingh Vang ndang cungj mbouj daiq ndei lo, conj dwg youq ndawranz. Mbat neix Dingh Yenz ma le, lijdwg bae guenj geijcib moux ndoeng maklaeq de. Ban Dingh Yenz yawj gyoengqvunz soengq Goengyangz oksang seiz, daegnuengx laeglemx daeujdaengz baihlaeng de, bongx gau ndeu naeuz: “Beix a, mwngz guhmaz mbouj bae soengq Goengyangz oksang ne? Ngoenzbonz de dwg vihliux gouq daxmeh raeuz coh ngaiz dai o.”

“Mwngz naeuz gijmaz? De gouq meh raeuz?”

“Dwg a, ngoenzbonz meh raeuz youq ndawreih mbaet haeuxyangz, miz duz mouduenh cak duet aengap le, fatloengz fatbag roemx gvaqdaeu, buet vang rongj soh, yaek bongh deng daxmeh raeuz seiz, Goengyangz yawjraen le couh laengz youq baihnaj meh raeuz. Duz mouduenh couh haeb dai Goengyangz, yakdoeg dangqmaz. Mwngz ngoenzngoenz youq gwnzbya, mbouj rox saek gaiq, vaiq bae soengq de lo.”

Dingh Yenz buet bae vaiqvut, raemxda rihbyoegbyoeg. Seizde hix fwn iq doek foenxfonx, rwded mbaeq gyoengqvunz soengqsang.

(sat)